

## TRIB. 2.

7. **OPORINIA.** *Involucrum* profundè multipartitum, basi squamis aliquot adpressis munitum. *Receptaculum* favosum. *Antheræ* basi bisetæ. *Achenia* subfusiformia, compressa, sulcata: *sulcis* transversè rugosis. *Pappi radiis* simplici ordine distinctis, persistentibus, plumosis, basi scarioso-dilatatis!

Herba (Europæa) *perennis*, *radice præmorsa*. Folia *plurima radicalia*, *læviuscula*, sæpius *pinnatifida*. Scapi *ramosi*, *declinati*, *glabri*. Flores *pedunculati*, *aurei*. Pedunculi *squamosi*, *fistulosi*, *apice dilatati*.

Hùc *Apargia autumnalis Willd.* *Apargia* longè diversa est involucrio imbricato, pappi radiis duplici ordine digestis; exterioribus simplicibus duplò brevioribus.

8. **CALLIOPEA.** *Involucrum* simplici serie polyphyllum, subtorulosum, basi squamulis paucis instructum. *Receptaculum* nudum, punctatum. *Flosculi* fauce extùs imberbi! *Antheræ* basi bisetæ. *Stigmata* pruinosa. *Achenia* teretia, lævia. *Pappus* capillaris: *radiis* simplici ordine confertis, denticulatis, æqualibus, caducis.

Herba (Europæa) *perennis*, *cæspitosa*, *radice fibrosa*. Folia *radicalia*, *petiolata*, *runcinata*, *glabra*. Scapus *uniflorus*, *lævis*. Flos *saturate fulvus*. Involucri squamis *carinatis*, *satis aterrimis hispidis*, *apice membranaceis*. *Pappus niveus*.

Hùc *Leontodon aureum L.*

9. **ÆTHONIA.** *Involucrum* simplici ordine polyphyllum, basi squamis brevissimis adpressis munitum. *Receptaculum* scrobiculato-scabrum. *Antheræ* basi bisetæ. *Stigmata* lineari-ligulata, papillosa. *Achenia* pentagona: *angulis* sulcatis, lævibus. *Pappi radii* 12, setaceis, denticulato-scabris, æqualibus, persistentibus, imâ basi callosis!

Plantæ (Canarienses) *suffruticosa*. Folia *dentata*. Flores *citrini*.

Hùc *Hieracium fruticosum Willd.* *Crepis filiformis Hort. Kew.*; et *Tolpis lagopoda Sm. Can.* *Tolpis* genere certè distinctissima involucrio squamis plurimis prælongis laxis calyculatum, receptaculo alveolato, acheniis ancipiti-compressis, pappo paleaceo difformi.

10. **TROXIMON.** *Involucrum* duplici ordine polyphyllum: *foliolis* æqualibus, adpressis. *Receptaculum* favosum. *Antheræ* basi biaristatæ. *Stigmata* semicylindrica, papillosa. *Achenia* elongata, sulcata. *Pappi radiis* duplici ordine digestis, persistentibus, setaceo-paleaceis, longis, æqualibus.

Herbæ (Amer. Bor.) *perennes*, foliis *gramineis*, scapis *unifloris*, floribus *luteis*.

Hùc *Troximon dandelion Gærtn.* *T. glaucus Pursh.* *T. cuspidatus Pursh.*

11. **CYNTHIA.** *Involucrum* multipartitum: *segmentis* duplici ordine digestis. *Receptaculum* scrobiculatum. *Antheræ* basi bidentatæ. *Stigmata* lineari-ligulata, pruinosa. *Achenia* ovalia, complanata. *Pappus* duplex; *exterior* paleaceus, brevissimus; *interior* pilosus, scaber.

Herba (Amer. Bor.) *perennis*, *glaberrima*, *glauca*. Caules *nudiusculi*, 2-3-flori. Folia *lævissima*, *oblonga*; radicalia *lyrata*; caulina superiora *integerrima*. Flores *aurei*. *Involucrum læve*.

Hùc *Troximon virginicus Gærtn.*